

VIESPREYE.

L'esté m'a lachi.
Djè rote à vosse mèsère.
Djè n'a pès l' timps
Dè baloûj'ner à campagne,
Dè choûter brûtyi lès mouchons.

Më dos clincîye
Së mès frawes dë djon.nèsse,
Rëpëdrè-dj' më baston
Po râler à mèsse ?

Ël èst bén yête,
Lë timps dës cèrîjes.
Totes lès naîts
Lë solia bache.
Rëskèpîyerè-t-ë co d'mwin
Franc come dëvant ?

Djè n'a ni peû
D' l'ëch au laudje
Së mès-ëviêrs.
Dj'a on guèrni
Plin tot laudje
Avou nos capougnadjes !

Vos avoz sti l' fleûr èt l' frût
Dins mès naîts d' fén bètch.
Vos d'mèrez m' solia
À l'intréye dë l'ëviêr.
Lë stwèle quë wîye së mès sondjes.

Rëdëjoz-m'èl : « Djè t' vwè volti ! »
Por vos : djè rataqu'rè on novia royon !

Djè r'passerè lès viyès poutes à l' vaneûse,
Po n' rasténre quë lès bounès s'minces
Quë dj' sèm'rè d'mwin
Së m' daîrén boni.

Djè n' vou pès scrîre totes mès cwachûres.
Mins djè m' bat'rè tant, quë dj' gangn'rè.
Dj'a dandji qu'on m' laiye tranquële :
Lë brouyîye aiwe së raclérè todë.

Èt pa d'zo m' kû,
Djè n'a pès qu'on keûr byin trop tène !

Quand' lè djoû bache,
Djè cache après lè stwèle
Què blam'téye co dins vos ouy.

Mè vèkairîye,
C'est l' poume què vos avoz mètè dins mès mwins.
Djè n' pèle què lès pèlakes d'ayîr
Po n' rasrénre què l' mêtan
Què sopwat'rè l' djaléye.

Èt, s'è d'meûre
One sètwele à skèpyi,
Ça sèrè l' nosse !

Mauj'ni
(li Wayin)